

Ábhar:

Uimhir Chiorcláin:
2010/03

OIDEACHAS TOSAIGH MÚINTEOIRÍ: FAOMHADH CLÁR

Dáta eisiúna:
12 Aibreán 2010

Spríoclucht Léitheoireachta:

- Soláthraithe in Oideachas Tosaigh Múinteoirí;
- Boird Oideachais agus Leabharlann;
- Foireann Feidhmithe an Údaráis um Oideachas agus Scileanna;
- Comhairle na Scoileanna Caitliceacha faoi Chothabháil;
- Príomhoidí agus Boird Ghobharnóirí i ngach scoil dheontaschúnta;
- Comhairle Ghinearálta Teagaisc Thuaisceart Éireann;
- Comhairle na Gaelscolaíochta;
- Comhairle Thuaisceart Éireann um Oideachas Comhtháite;
- Cumann na bhForas Rialaithe; agus
- Ceardchumann Mhúinteoirí.

Achoimre ar Ábhar:

Cur síos ar na socruithe i dtaobh fhaomhadh na gclár in oideachas tosaigh múinteoirí i dTuaisceart Éireann.

Fiosrúcháin:

Ba cheart aon fhiosrú faoi ábhar an Chiorcláin seo a sheoladh chuig:

Mrs Rose M Morrow
Teacher Education Branch
Department of Education
Rathgael House
43 Balloo Road
Rathgill
BANGOR BT19 7PR

Feasacht Gobharnóirí:
Comhairleach

Stádas Ábhair:
Eolas/Comhairle do sholáthraithe
in oideachas tosaigh múinteoirí
agus d'fhostóirí

Cáipéisí Gaolmhara:
Ciorclán na RO 2007/22

**Cáipéisí ar cuireadh an ceann
seo ina
n-ionad:**
Ciorclán na RO 1989/40

Dáta Éaga:
Neamhbhainteach

Láithreán Gréasáin na RO:
<http://www.deni.gov.uk>

Guthán: 028 9127 9523
Faics: 028 9127 9100
R-phost:
rose.morrow@deni.gov.uk

OIDEACHAS TOSAIGH MÚINTEOIRÍ: FAOMHADH CLÁR

Intreoir

1.1 Glacann an Chiorclán seo ionad Chiorclán 1989/40 de chuid na RO agus is cur síos é ar na socruithe i dtaobh fhaomhadh na gclár san oideachas tosaigh múinteoirí (OTM) i dTuaisceart Éireann. Leagann sé amach agus míníonn sé na riachtanais atá mar bhonn agus mar thaca ag an chigireacht agus ag an chreidiúnú, a bhfuil an dá cheann acu riachtanach i bhfaomhadh chlár an OTM. Soláthraíonn iarscríbhinn an Chiorcláin seo na riachtanais maidir le clár an OTM a chaithfidh soláthraithe a chomhlíonadh.

2.0 Faomhadh

2.1 Is í an Roinn Oideachais a fhaomhann na clár agus braitheann sé sin ar fhianaise riachtanais, ar chreidiúnú Chomhairle Ghinearálta Teagaisc Thuaisceart Éireann (CGTTÉ) agus ar fhianaise chigireachta ón Chigireacht Oideachais agus Oiliúna (COO). Ceadáíonn faomhadh do sholáthraithe an OTM clár a thairiscint, a gceadaíonn gnóthú iontu d'aonaráin clárú a lorg le CGTTÉ agus ar an dóigh sin bheith ábalta teagasc i scoileanna deontaschúnta i dTuaisceart Éireann.

3.0 Creidiúnú

3.1 Baineann creidiúnú le hoiriúnacht chlár an OTM, mar ullmhúchán gairmiúil a ligeann do mhic léinn a n-éiríonn leo na clár a chur i gcrích, clárú le CGTTÉ. Creidiúnaíonn CGTTÉ clár an OTM atá faoi bhonn agus faoi eagar ag na Riachtanais atá leagtha amach sa Chiorclán seo. Tá creidiúnú scartha ón bhailíochtú acadúil, nach bpléitear leis sa Chiorclán seo.

4.0 Féinmheastóireacht

4.1 Próiseas inmheánach í an fhéinmheastóireacht, a úsáideann próisis na monatóireachta agus na meastóireachta ar a n-áirítear creatlach de tháscairí cáilíochta a n-aontaíonn soláthraithe an OTM agus an COO orthu. Is í an fheidhm atá leis an fhéinmheastóireacht na feabhsúcháin riachtanacha ar fócas iad i bpleananna feabhais a shainaithint, agus torthaí intomhaiste leo.

5.0 Cigireacht

5.1 An COO a dhéanann cigireacht ar chlár an OTM agus déanann siad meastóireacht ar sholáthar an OTM. Déanann an chigireacht fosta iniúchadh agus dearbhú cáilíochta ar an fhéinmheastóireacht a dhéanann soláthraithe an OTM, trí úsáid na dtáscairí cáilíochta ar aontaíodh orthu.

6.0 Na Riachtanais

6.1 Is iad an RO, COO agus CGTTÉ a d'aontaigh ar na Riachtanais OTM atá leagtha amach sa Chiorclán seo. Leagann siad amach na riachtanais a gcaithfidh cláir an OTM cloí leo le go ndéanfaí cigireacht orthu, go mbronnfaí creidiúnú orthu agus dá réir sin go ndéanfaí iad a fhaomhadh.

6.2 Coinneoidh an RO, an COO agus CGTTÉ na Riachtanais faoi athbhreithniú trí idirchaidreamh le soláthraithe an OTM.

ROSE M MORROW (MRS)
Ceann ar an Bhrainse um Oideachas Múinteoirí

NA RIACHTANAIS A CHUIREANN TACA FAOI FHAOMHADH, CHREIDIÚNÚ AGUS CHIGIREACHT CHLÁIR AN OTM

R1 Riachtanais Iontrála

Ba cheart a thabhairt do d'aire gur íosriachtanais iontrála iad seo ar chlár Onóracha do Bhaitsiléir san Oideachas (BEd (Hons)) agus Theastas Iarchéime san Oideachas agus gur féidir leis an soláthraí OTM cáilíochtaí is airde ná iad seo a iarraidh.

Riachtanais GCSE

R1.1 Ní mór do gach iontrálaí caighdeán atá coibhéiseach le Grád C nó níos airde i scrúdú GCSE an Bhéarla nó theanga an Bhéarla agus na matamaitice bheith gnóthaithe acu, agus sa bhreis air sin, ní mór do gach iontrálaí ar an oideachas bunmhúinteoireachta caighdeán atá coibhéiseach le Grád C nó níos airde i scrúdú GCSE in ábhar nó in ábhair eolaíochta bheith gnóthaithe acu (Imlitir RO 2007/22 an tagairt).

Caithfidh iontrálaithe a bhfuil cáilíochtaí acu ar glacadh leo bheith coibhéiseach le Grád C GCSE nó níos airde bheith ábalta:

- cumarsáid shoiléir, chuí, chruinn a dhéanamh i scríobh agus i labhairt sa Bhéarla agus san áit ar cuí, sa Ghaeilge, agus:
- ní amháin cumas ach leithne agus solúbthacht ina smaointeoireacht mhatamaiticiúil a léiriú.

Riachtanais Chéime

R1.2 I gcás chlár iarchéime san OTM, caithfidh gach iontrálaí an chéad chéim ó institiúid ardoideachais de chuid na Ríochta Aontaithe (nó Phoblacht na hÉireann) nó cáilíocht choibhéiseach a bheith acu. (Ní mór d'iarratasóirí a bhfuil Bonnchéim acu cur leis an cháilíocht seo le 120 pointe ó Charnadh agus Aistriú Creidiúna (CAT) ag Ardoideachas Leibhéal 6).

R1.3 Sa chás iontrála thuas ar chlár BOid (Onór.), **agus faoi réir R1.1 thuas agus R1.4 thíos**, caithfidh gach iontrálaí na gnáthriachtanais acadúla i gcomhair cead isteach ar staidéar sa chéad chéim a chomhlíonadh, ar a n-áirítear pasanna in dhá ábhar ag ardleibhéal an GCE (nó a choibhéis) i dteannta pasanna ag Grád C nó níos airde in dhá ábhar eile ag leibhéal GCSE (nó a choibhéis) (nó trí ábhar eile má bhaineann an t-iarratas le cead isteach ar chlár bunscolaíochta an BOid (Onór.).

R1.4 Faoi réir R1.1 thuas, tá cead ag soláthraithe an OTM iarratasóirí a cheadú ar chlár an BOid (Onór.) nach bhfuil na gnáthcháilíochtaí iontrála acu, a fhad is go bhfuil siad sásta le

hacmhainn intleachta an iarratasóra leis an chlár a chur i gcrích go rathúil agus go dtig leis an soláthraí a léiriú gur lig siad isteach an t-iarratasóir gan thabhairt suas ar chaighdeán acadúla agus ar fhorbairt cumais ghairmiúil. Ba cheart do sholáthraithe nósanna imeachta a dhoiciméadú maidir le ceadú iarratasóirí nach bhfuil na gnáthcháilíochtaí iontrála acu.

Agallaimh

R1.5 Mar chuid den phróiseas roghnúcháin, caithfidh na hiontrálaithe uile dul faoi agallamh a dearadh lena n-oiriúnacht maidir le teagasc agus leis an mhianach atá iontu na cumais ghairmiúla riachtanacha a bhaint amach, a mheas.

Oiriúnacht

R1.6 Maidir leis na hiontrálaithe uile:

- níl aon chúlra coiriúlachta acu a choscfadh orthu oibriú le páistí nó le daoine óga;
- tá noctadh breisithe de chuid AccessNI faighte acu (nó le himeacht aimsire, tá siad cláraithe leis an Údarás um Chosaint Neamhspleách);
- rinneadh seiceáil ar bith eile a chonacthas a bheith cuí ar a gcúlra;
- níl siad dícháilithe faoi láthair ó bheith ag teagasc nó ó bheith ag obair le páistí;
- tá an acmhainn coirp agus an aclaíocht mheabhrach acu le bheith ag teagasc (agus aird ar leith ar Airteagal 5 den Ord um Idirdhealú ar bhonn Míchumais (Tuaisceart Éireann) 2006);
- bheith in ann inniúlachtaí riachtanacha GTCNI a ghnóthú agus a fhorbairt; agus
- na cáilíochtaí cuí agus cumais chuí a bheith acu le go bhforbróidh siad mar mhúinteoirí gairmiúla agus le croíluachanna na gairme a eiseamláiriú.

Agus oiriúnacht á meas, ag comhlíonadh Rannán 75 d'Acht Thuaisceart Éireann 1998, beidh aird ag soláthraithe an OTM ar an riachtanas le cothroime deise a chur chun cinn:

- *idir daoine a bhfuil difríocht eadarthu maidir le creideamh reiligiúnach, barúil ó thaobh na poilitíochta de, grúpa ciniúil, haois, stádas pósta nó claonadh gnéasach;*
- *idir fir agus mná go ginearálta;*
- *idir daoine a bhfuil míchumas orthu agus iad siúd nach bhfuil; agus*
- *idir daoine a bhfuil leanaí cleithiúnacha acu agus iad siúd nach bhfuil.*

R2 Riachtanais san Oideachas Múinteoirí

Ba cheart go bhforbróidh soláthraithe lena bpáirtneirí (.i. scoileanna, RO, COO, CGTTÉ) treoir agus eiseamláiriú ar fheidhmiú na riachtanas.

Caithfidh gach soláthraí san OTM a chinntiú:

Dearadh Cláir

R2.1 Go ndeartar ábhar, struchtúr, modheolaíocht, measúnú agus réimse áiseanna oiriúnacha, a chumasóidh mic léinn leis na cumais mhúinteoireachta a bhaineann le tréimhse an OTM mar atá leagtha amach i bhfoilseachán sin CGTTÉ, An Mhúinteoireacht: An Ghairm Mhachnamhach¹, a fhorbairt.

Tosaíochtaí Straitéiseacha Oideachais

R2.2 Go n-ullmhaíonn na cláir mic léinn chun aghaidh a thabhairt ar na tosaíochtaí straitéiseacha san oideachas agus ar eochairstraitéisí oideachais, mar a chuir an RO in iúl iad agus mar a chuir sí síos orthu, go háirithe na cinn sin a bhaineann le litearthacht, le huimhearthacht agus le riachtanais speisialta oideachais agus le cuimsiú.

Taithí Neasach agus Ábhartha

R2.3 Go mbíonn taithí ar theagasc i scoileanna ag baint lena bpas áirithe féin, lena n-ábhar nó le speisialtachtaí eile ag Oideachasóirí Múinteoirí i soláthraithe an OTM, agus go gcothaíonn siad agus go bhforbraíonn siad an taithí sin.

Cáilíocht in Oideachas Múinteoirí

R2.4 Go meastar cáilíocht an tsoláthair a bheith ar a laghad sásúil ag an COO.

Riachtanais Indibhidiúla

R2.5 Go ndearbhaíonn an soláthar agus an teagasc cothroime rochtana agus go n-éascaíonn sé comhlíonadh riachtanais indibhidiúla na mac léinn.

Ullmhúchán maidir le Foghlaim Ghairmiúil Leantach

R2.6 Go n-ullmhaítear gach mac léinn a dhóthain maidir le haistriú isteach san fhoghlaim ghairmiúil leantach, atá faoi bhonn agus faoi eagar ag tiomantas do phróiseas leantach feabhsúcháin agus forbartha ón phas tosaigh, tríd an ionduchtúchán go dtí pasanna sa luathfhorbairt agus san fhorbairt ghairmiúil leantach den fhoirmiú ghairmiúil.

Aoisraon

R2.7 Go n-ullmhaítear gach mac léinn le bheith ag teagasc trasna dhá eochairchéim leantacha ar a laghad, a chuimsíonn maidir leis an riachtanas seo, an bhonnchéim mar chuid d'eochairchéim 1 agus an t-aoisraon 16-19.

Mar atá scríofa sna cumais mhúinteoireachta, ba cheart go mbeadh eolas ag na mic léinn ar na hionchais, ar an churaclam, ar na straitéisí agus ar na modhanna teagaisc sna pasanna

¹ <http://www.gtnei.org.uk>

go díreach roimh na cinn a n-ullmhaítear iad le teagasc iontu agus sna pasanna go díreach ina ndiaidh fosta.

Am ar scoil (agus taithí ar shuíomhanna eile oideachais)

R2.8 Bítear ag dréim go mbeidh mic léinn ag teagasc in dhá scoil ar a laghad² agus go gcaithfidh siad de ghnáth na hachair ama seo a leanas i scoileanna³:

- 32 seachtain do gach clár fochéime ceithre bliana
- 24 seachtain do gach clár iarchéime san iar-bhunoideachas
- 18 seachtain do gach clár iarchéime sa bhunoideachas

R3 Bainistiú agus Dearbhú Cáilíochta

Caithfidh gach soláthraí san OTM a chinntiú:

Páirtnéireacht

R3.1 Go mbunaíonn siad socruithe páirtnéireachta, mar atá leagtha amach sa Lámhleabhar Páirtnéireachta d'Oideachas Múinteoirí⁴, maidir leis na ról faoi seach atá ag soláthraithe OTM agus ag scoileanna i rith an OTM.

R3.2 Go n-oibríonn páirtnéirí san OTM agus scoileanna le chéile i gcomhthéacs R3.1 thuas, le tacú leis na socruithe don roghnúchán, don fhorbairt ghairmiúil agus don mheasúnú maidir le mic léinn, taobh istigh de chomhthéacs Chumais CGTTÉ.

Comhlíonadh

R3.3 Go sásaíonn a soláthar riachtanais na RO mar atá siad leagtha amach sa chiorclán seo ar an OTM agus i ngach reachtaíocht ábhartha (mar shampla na cinn sin a bhaineann le comhionannas, cearta daonna, fostaíocht agus leithcheal.

Modhnóireacht

R3.4 Go mbíonn nósanna imeachta inmheánacha agus seachtracha modhnóireachta i bhfeidhm le hiontaofacht, cruinneas agus comhsheasmhacht an mheasúnaithe a chinntiú maidir le Cumais CGTTÉ.

² Ach amháin mic léinn ar chosán na hOllscoile Oscailte sa “mheasúnú amháin” a bhfuil taithí choibhéiseach léirithe acu cheana.

³ D'fhéadfaí achar ama is lú a chaitheamh i suíomhanna eile oideachais ar mhaithe le cúrsaí feabhsúcháin.

⁴ http://www.deni.gov.uk/teacher_education_partnership_handbook_september_2009_edition_-3.pdf

Monatóireacht, Féinmheastóireacht agus Cigireacht

R3.5 Go ndéanann siad monatóireacht agus meastóireacht ar gach gné den soláthar thar am agus go léiríonn siad mar a chuireann féinmheastóireacht aisti féin agus féinmheastóireacht chomhordnaithe le cigireacht, le feabhsúcháin i gcáilíocht an tsoláthair.